



**KEMENTERIAN PERTANIAN DAN KETERJAMINAN MAKANAN**  
**JABATAN PERKHIDMATAN VETERINAR**

**GARIS PANDUAN PERMOHONAN PENDAFTARAN SIJIL PEMBUAT  
MAKANAN HAIWAN ATAU BAHAN TAMBAHAN MAKANAN HAIWAN**

# TARIKH KUATKUASA GARIS PANDUAN

1 JANUARI 2010

1. NAMA PENDAFTARAN

Sijil Pendaftaran Pembuat Makanan Haiwan atau Bahan Tambahan Makanan Haiwan.

2. NAMA AGENSI/ PIHAK BERKUASA MELESEN

Jabatan Perkhidmatan Veterinar (DVS).

3. PUNCA KUASA / ASAS PERUNDANGAN PENGELUARAN PENDAFTARAN

Akta Makanan Haiwan 2009 (Akta 698) dan Peraturan-Peraturan Makanan Haiwan (Pembuatan dan Penjualan Makanan Haiwan atau Bahan Tambahan Makanan Haiwan) 2012, Seksyen 3(1).

4. OBJEKTIF PENDAFTARAN

Mengawal selia kualiti makanan haiwan dengan mengawal pengimportan, pembuatan, penjualan dan penggunaan makanan haiwan dan bahan tambahan makanan haiwan, untuk memastikan bahawa makanan haiwan memenuhi keperluan nutrien bagi haiwan, tidak memudaratkan haiwan dan tidak tercemar supaya haiwan dan keluaran haiwan selamat untuk dimakan oleh manusia dan selamat untuk kegunaan lain, dan bagi perkara lain yang bersampingan dengannya.

5. KETERANGAN PENDAFTARAN/ APA YANG DIDAFTARKAN

Pembuatan Makanan Haiwan atau Bahan Tambahan Makanan Haiwan.

6. SIAPA YANG BOLEH MOHON/ KELAYAKAN PEMOHON

- i. Warganegara Malaysia.
- ii. Syarikat yang berdaftar dengan Suruhanjaya Syarikat Malaysia (SSM).

## 7. BILA PERLU DIPOHON

Bila-bila masa atas talian pada sistem Akta Makanan Haiwan (sistem e-AMH). Permohonan akan disemak berdasarkan kepada giliran atau ***first come, first served***. Mesyuarat diadakan 2 bulan sekali.

## 8. BAGAIMANA CARA / KAEDAH PERMOHONAN (ATAS TALIAN@MANUAL)

ATAS TALIAN	eamh.dvs.gov.my (sistem e-AMH)
MANUAL 1. Borang permohonan e-AMH	Urusetia Lembaga Makanan Haiwan, Seksyen Kawalselia Makanan Haiwan, Bahagian Regulatori Veterinar, Jabatan Perkhidmatan Veterinar, Aras 1, Lot 4G1 Blok Podium 1B, Wisma Tani, No. 28 Persiaran Perdana, Presint 4, 62624 Putrajaya.

## 9. PIAGAM PELANGGAN (TEMPOH PEMROSESAN DALAM HARI/JAM/MINIT)

Menerima dan menyemak permohonan atas talian dan borang permohonan e-AMH Sijil Pendaftaran Pembuat Makanan Haiwan atau Bahan Tambahan Makanan Haiwan yang LENGKAP.	7 HARI
Melaksanakan LAWATAN PREMIS bagi tujuan verifikasi premis.	14 HARI
Menyedia, mengedarkan prosiding mesyuarat dan membentangkan permohonan Sijil Pendaftaran Pembuat Makanan Haiwan atau Bahan Tambahan Makanan Haiwan ke dalam Mesyuarat Jawatankuasa Teknikal Makanan Haiwan untuk mendapat kelulusan dan perakuan daripada ahli jawatankuasa.	30 HARI
Memaklumkan kepada pelanggan samada permohonan mereka ditolak, ditangguhkan atau memerlukan maklumat tambahan.	1 HARI
Mencetak sijil serta mendapatkan tandatangan Pengerusi Lembaga Makanan Haiwan sebelum sijil diserahkan kepada pelanggan yang telah mendapat kelulusan.	7 HARI
JUMLAH	59 HARI


## 10. SYARAT-SYARAT SEBELUM & SELEPAS PERMOHONAN

Sebelum: Memohon secara atas talian pada sistem e-AMH (eamh.dvs.gov.my) dan menghantar borang permohonan e-AMH kepada Urusetia.

Selepas: Membuat temujanji sebelum mengambil sijil yang telah diluluskan.

## 11. LANGKAH-LANGKAH PERMOHONAN (TERMASUK CARTA ALIR (FLOW-CHART))

### CARTA ALIRAN KERJA PERMOHONAN BARU SIJIL PENDAFTARAN PEMBUAT MAKANAN HAIWAN ATAU BAHAN TAMBAHAN MAKANAN HAIWAN



**Nota:**

Carta alir ini terpakai bagi permohonan perubahan tambah item baru.

## 12. SENARAI KEPERLUAN MAKLUMAT YANG PERLU DIKEMUKAKAN (*CHECK LIST*)

Bil	Perkara	Catatan
1.	<p><b>Borang permohonan Sistem Akta Makanan Haiwan (e-AMH)</b></p> <p>Pemohon hendaklah membuat pendaftaran dan mengisi maklumat dengan lengkap serta memuatnaik dokumen berkaitan di laman sesawang e-AMH di <a href="https://eamh.dvs.gov.my/index.php">https://eamh.dvs.gov.my/index.php</a></p>	<p><b>Borang Permohonan Dihantar Ke Urusetia</b></p>
2.	<p><b>Salinan Kad Pengenalan (Bagi permohonan baru/Pertukaran nama pemohon)</b></p> <p>Pemohon hendaklah mempunyai liabiliti dalam syarikat; &amp; merupakan warganegara Malaysia</p>	<p>Muatnaik dalam e-AMH</p>
3.	<p><b>Salinan MAA/SSM/Maklumat syarikat (Bagi permohonan baru/Pertukaran nama pemohon)</b></p> <p>Sila lampirkan salinan Memorandum and Articles of Association bagi syarikat Sdn Bhd. Bagi syarikat selain Sdn Bhd seperti Enterprise, sila lampirkan <b>SSM, Form 49</b> diperlukan sebagai sokongan ke atas jawatan pemohon sebagai pengarah.</p>	<p>Muatnaik dalam e-AMH</p>
4.	<p><b>Pembekal bahan mentah</b></p> <p>Sila senaraikan nama syarikat, alamat, no pendaftaran beserta bahan mentah yang dibekalkan.</p>	<p>Muatnaik dalam e-AMH</p>
5.	<p><b>Penyata Negara Asal (Bahan Mentah) (<i>Certificate of Origin</i>)</b></p> <p>Sesalinan penyata negara asal, sijil kesihatan atau <i>Free Sale Certificate</i> bagi bahan mentah yang diimport sahaja.</p>	<p>Muatnaik dalam e-AMH</p>
6.	<p><b>Penyataan Komposisi Bahan Mentah (<i>Certificate of Analysis</i>)</b></p> <p>Spesifikasi/ sijil analisis hendaklah:</p> <ol style="list-style-type: none"> <li>bijian / bahan sampingan pertanian / foraj : kelembapan, protein kasar, bahan kering, serat kasar, abu.</li> <li>bahan tambahan makanan haiwan/antibiotik/bahan kimia/hormon: bahan aktif dan apa-apa bahan lain yang lebih daripada 5% dan</li> <li>hasil sampingan haiwan : kelembapan, protein kasar, lemak kasar, abu kasar.</li> </ol>	<p>Muatnaik dalam e-AMH</p>
7.	<p><b>Penyata Pembuatan (<i>process flow</i> penghasilan produk setiap item)</b></p> <p>Sila nyatakan proses pembuatan setiap item beserta bahan mentah yang digunakan dan disahkan oleh syarikat/pengilang (nama dan jawatannya)</p>	<p>Muatnaik dalam e-AMH</p>
8.	<p><b>Penyata Pembungkusan Setiap Item</b></p> <p><b>Gambar bungkusan (gambar produk sebenar, ilustrasi produk 2D atau 3D): tepi, depan dan belakang.</b> Gambar dan ilustrasi hendaklah <b>berwarna dan jelas.</b></p>	<p>Muatnaik dalam e-AMH</p>

<p>9.</p>	<p><b>Penyata pelabelan</b></p> <p>Gambar label pada bungkusan dengan <b>berwarna dan jelas</b>. Label hendaklah memenuhi keperluan Peraturan - Peraturan Makanan Haiwan (Pelabelan Makanan Haiwan Atau Bahan Tambahan Makanan Haiwan) 2012.</p> <p>Sekiranya item diimport secara pukal, satu pernyataan pelabelan perlu dicetak pada sehelai kertas dan disertakan bersama permohonan lesen mengimport. Ia juga perlu disertakan bersama konsainan semasa pengangkutan.</p> <p>Pernyataan pelabelan perlu mengandungi perkara tersebut:</p> <ul style="list-style-type: none"> <li>(a) <b>jenama produk;</b></li> <li>(b) <b>negara pembuat;</b></li> <li>(c) <b>jenis haiwan yang dirujuk</b> dan tujuan penggunaan;</li> <li>(d) <b>nama dan alamat pembuat</b> termasuk pengimport, pengedar tunggal atau pengeluar;</li> <li>(e) <b>jenis ramuan mentah;</b></li> <li>(f) sekiranya makanan haiwan mengandungi daging babi, atau terbitan atau lemaknya, pernyataan kehadiran daging babi sedemikian, atau terbitan, atau lemaknya dalam makanan haiwan, dalam bentuk "MENGANDUNGI (menyatakan sama ada daging babi, atau terbitan, atau lemaknya mengikut mana yang berkenaan)" atau dengan perkataan lain yang menunjukkan hal ini;</li> <li>(g) <b>kandungan nutrien;</b></li> <li>(h) nama dagang bahan antibiotik aktif, takat pemasukan dan tempoh penarikan;</li> <li>(i) takat pemasukan hormon;</li> <li>(j) nama dagang bahan aktif bagi bahan kimia lain;</li> <li>(k) <b>berat bersih</b></li> <li>(l) <b>tarikh pembuatan dan tarikh luput</b></li> </ul>	<p>Muatnaik dalam e-AMH</p>
<p>10.</p>	<p><b>Penyataan Komposisi Produk Akhir</b> <b><i>(Certificate of Analysis – End Product)</i></b></p> <p>Keputusan analisis daripada makmal yang diakreditasi ISO 17025 sama ada makmal <i>in-house</i> atau pihak ketiga. (COA mestilah mempunyai nama, jawatan dan tandatangan juruanalisis).</p>	<p>Muatnaik dalam e-AMH</p>

### 13. SENARAI PEMBAYARAN/MAKLUMAT BAYARAN (FI/CAJ) YANG DIKENAKAN

Tiada bayaran (fi/caj) dikenakan pada masa kini sehingga dimaklumkan sebaliknya.

### 14. MAKLUMAN KEPUTUSAN PERMOHONAN / OUTPUT YANG DIKELUARKAN KEPADA PEMOHON

OUTPUT	Sijil Pendaftaran Pembuat Makanan Haiwan atau Bahan Tambahan Makanan Haiwan.
KAEDAH PENYAMPAIAN KEPUTUSAN KEPADA PEMOHON	Notifikasi email dan status lulus pada akaun e-AMH pemohon.

### 15. MAKLUMAT PEMBAHARUAN/ PINDAAN/ PEMBATALAN (JIKA BERKAITAN)

- i. Pemohon mestilah membuat **permohonan pembaharuan** 3 bulan sebelum tarikh luput sijil dan **wajib mengisi rekod pembuatan sepanjang tahun** berkenaan pada sistem e-AMH.
- ii. Bagi sebarang **perubahan**, pemohon perlu memohon pada sistem e-AMH dan menghantar borang permohonan tersebut kepada Urusetia.

**CARTA ALIRAN KERJA**  
**PERMOHONAN PEMBAHARUAN/LAIN-LAIN PERUBAHAN SELAIN TAMBAH ITEM BARU**  
**SIJIL PENDAFTARAN PEMBUAT MAKANAN HAIWAN ATAU BAHAN TAMBAHAN MAKANAN**  
**HAIWAN**

1. Terima permohonan pada sistem e-AMH dan borang permohonan e-AMH

(serahan tangan/melalui perkhidmatan kiriman)



2. Semak rekod pembuatan/maklumat perubahan yang LENGKAP pada sistem e-AMH



3\* Dibentangkan pada Mesyuarat Jawatankuasa Teknikal Makanan Haiwan (Minggu ketiga setiap 2 bulan)



4. Cetak sijil dan dapatkan tandatangan Pengerusi Lembaga Makanan Haiwan



5. Pemohon buat temujanji



6. Pemohon ambil Sijil

*\*Bagi pembaharuan, sijil boleh terus dicetak sekiranya **Rekod Pembuatan yang dihantar adalah lengkap** dan akan dibentangkan pada mesyuarat sebagai makluman.*

*\*Bagi lain-lain perubahan selain perubahan tambah item baru, sijil boleh dicetak sekiranya maklumat adalah lengkap (semakan berdasarkan giliran) dan akan dibentangkan pada mesyuarat sebagai makluman.*



## 16. RUJUKAN YANG BERKAITAN

- i. Akta Makanan Haiwan 2009
- ii. Peraturan-Peraturan Makanan Haiwan (Lesen Untuk Mengimport Makanan Haiwan Atau Bahan Tambahan Makanan Haiwan) 2012
- iii. Peraturan-Peraturan Makanan Haiwan (Pelabelan Makanan Haiwan Atau Bahan Tambahan Makanan Haiwan) 2012
- iv. Peraturan-Peraturan Makanan Haiwan (Antibiotik ,Hormon dan Bahan Kimia Lain Terlarang) 2012
- v. Peraturan-Peraturan Makanan Haiwan (Pembuatan Dan Penjualan Makanan Haiwan Atau Bahan Tambahan Makanan Haiwan) 2012
- vi. Peraturan-Peraturan Makanan Haiwan (Kaedah Menganalisis Makanan Haiwan Dan Bentuk Perakuan Analisis) 2012
- vii. Peraturan-Peraturan Makanan Haiwan (Peraturan-peraturan Makanan Haiwan (Kesalahan Boleh Kompaun) 2019